

bulliant ad inspissationem & exiccationem, tunc lapides induratos in patella inuenies, quos vitro indes, & diligenter obturabis.

Aliud.

℞. Calcis viuae partes ii.  
minii partem i.

puluerizentur simul, & cum sapone fullon.  
q. s. misce, globulos efforma.

Eiusmodi sunt cauteria potentialia, quæ tamen non sunt antiquorum cauteria, sed ruptoria.

Vsus multiplex, præcipuus tamen ad materias auertendas & euacuandas, & abscessus aperiendos. Materiam diuertimus à parte nobiliore ad ignobiliorem trahendo, quod fieri consuevit in diurnis catariis à capite delabentibus, vel in oculis, aures, pulmones. Abscessus vero siue bubones etiam his aperiuntur, in iis, qui vel ignem vel ferrum metuunt. Quod si vero applicare velimus, primo totum corpus euacuandum, ne impetu humor in partem labatur, vel inflammatio excitetur. Secundo cauendum, ne parti nobiliori vel applicemus, vt si capiti, cauendum est ab omnibus futuris. Quinetiam cauere oportet à membro exquisito sensu prædito.

Quod si vero diuersionis gratia applicentur, locus aptus eligendus. Et si à capite longius deriuare velimus, tibiæ eligendæ. Si magis propinque, brachia. Si propinquius, ipsam ceruicem. Hæc enim tria sunt loca, quibus communiter applicari consueuere.

Locus autem conueniens in ceruice quidem

T 2

est